

R282

5

30 40 50 60 70 80 90 700 10 20 30 40 50 60 70 80 90 800 10




R282
5

天居聖像



天居
聖像

天后娘娘



本傳

天后莆林氏女也始祖披公生子九俱賢當唐
憲宗時九人各授州刺史號九牧林氏曾祖保
吉公乃邵州刺史蘊公六世孫州牧圉公子也
五代周顯德中為統軍兵馬使時劉崇自立為
北漢周世宗命都檢點趙匡胤督戰于高平山
保吉有功焉棄官歸隱于莆之湄洲與子孚承
襲世勲為福建總管孚子諱愿為都巡官即后

父也娶王氏生男一名洪毅女六后最少愿夫
婦行善事樂施濟敬祀觀音大士年四旬餘每
念一子單弱朝夕焚香祝天願得哲兄為宗支
計歲己未夏六月望日齋戒虔讚大士當空禱
拜曰某夫婦兢兢自持修德好施非敢有妄求
惟冀上天鑒茲至誠早錫佳兒以光宗祧是夜
太君夢大士告之曰爾家世敦善行上帝式佑
乃出丸藥示之云服此當得慈濟之貺既寤歆

歆然如有所感遂娠二人私喜曰天必錫我賢
嗣矣越次年宋太祖建隆元年庚申三月二十
三日方夕見一道紅光從西北射室中晶輝奪
目異香氤氲不散俄而太君腹震即誕后于寢
室里隣咸以為異父母大失所望然因其生奇
甚愛之自始生至彌月不聞啼聲因命名曰默
幼而聰穎不類諸女甫八歲從塾師訓讀悉解
文義十歲餘喜淨几焚香誦經禮佛旦暮未嘗

少憚十三歲時有老道士元通者往來其家見
后喜曰若具佛性應得渡人正果乃授后元微
秘法后受之悉悟諸要典十六歲窺井得符遂
靈通變化驅邪救世屢顯神異常駕雲飛渡大
海衆號曰通元靈女越十二載道成白日飛昇
時宋雍熙四年丁亥秋九月重九日也 月日與
省誌異並有之

天后傳

福建省誌

后林姓世居莆之湄洲嶼宋都巡檢林愿第六
女也始生時地變紫有祥光異香長能乘席渡
海乘雲遊島嶼間宋雍熙四年二月十九日昇
化是後嘗衣朱衣飛翔海上里人祠之宣和癸
卯給事中路允廸使高麗中流震風七舟俱溺
獨路所乘神降於檣安流以濟使還奏聞特賜
順濟廟號紹興己卯駕風掃海寇乾道二年又

降于白湖掘泉飲疫者累封靈慧昭應崇福夫人淳熙十一年加封善利紹興間特封靈惠妃慶元戊午以霧遮大溪寇開禧丙寅解淮甸圍莆民艱食米船阻於朔風神反風即至景定辛酉海寇肆暴醉卧廊廡間神縱火焚之又令風沙晝晦跨淺而敗累封助順顯衛英烈協正善慶等號元以海漕得神祐賜額靈濟明永樂間累著靈蹟命修祠宇加封號

國朝康熙十九年封為護國庇民妙靈昭應宏仁普濟天妃遣官致祭二十二年我師克澎湖恍有神兵導引及屯兵天妃灣靖海侯施琅謁廟見神衣半身猶濕始悟寔邀神助又灣中水泉止可供數百口是日駐師萬餘忽湧甘泉挹之不竭施琅表上其異

勅建神祠於其原籍莆田縣湄洲勒文以紀功德隨又加封天后五十九年翰林海寶冊封琉球還奏

言默祐封舟奉

旨春秋致祭編入祀典六十年臺匪竊發天后顯靈鹿耳門水驟長數尺舟師揚帆並進七日克復全臺雍正四年巡臺御史禪濟布疏聞

御賜神昭海表之額懸於臺灣廈門湄洲三處十一年又准總督郝玉麟巡撫趙國麟奏

賜錫福安瀾匾額于省城南臺神祠並令有江海各省一體葺祠致祭天后即媽祖海舟危難有禱必

應洋中風雨晦暝夜黑如墨每於檣端見神燈示祐莆田林氏婦人將赴田者以其兒置廟中曰姑好看兒去終日兒不啼不饑不出閨暮歸各携去神蓋篤厚其宗人也

謹按雍正十一年以後及乾隆年間

褒封祀典俟敬謹詳求脩錄

齊世宗與后妃遊幸東園

盤遊五十一年外又彈到年間

石麟夫軒道蕭舉其宗入沙

曰故牧督京去務日京不帝不辦不出國者

示新蒲田林為教入餘快四音知其京處

歌者中風雨翻翻京萬吐果每於計故長林

窺井得符



后少時與羣女閒遊照粧於井中忽見
神人捧銅符一雙擁井而上有神侍仙
官一班彷彿迎護狀諸女駭奔后受之
不疑里隣莫不驚異自此符咒徑可辟
邪法力日見元通常身在室中神遊方
外談吉凶禍福靡不奇中

拋梭拯溺



秋九月后父與兄渡海北上西風正急江上狂
濤震起后方織忽於機上閉睫遊神顏色頓變
手持梭足踏機軸狀若有所挾者母怪急呼之
醒而梭墜泣曰阿父無恙兄沒矣頃而報至果
然爾時父於怒濤中倉皇失措隱似有柱其舵
與其兄舟相近無何其兄舵摧身溺盖后當閉
睫時足踏者父舟手持者兄舵也

西 山 異 草



與之西有山曰門夾當港口出入之衝砢礁錯
雜有商舟渡此遭風舟衝礁浸水舟人哀號求
救后曰砢頭商舟將溺當急拯之乃向前擲草
數根化成大杉排駕至前舟因大木相附得不
沉少頃風平浪息舟中人皆以為天助及擱岸
整理舟楫倏見大木飄流不知方所詢之鄉人
方知神姑再造力

湄 與 仙 葩




浪破蓬筍



涓洲有小巖在旁海中后遊其地適母
遣人以菜子油遺之后傾之地上遂抽芽
鮮甲燦然青黃布滿山塋不煩播種四時
不絕自生自熟於荒煙斷汊之間莖幹花
葉可以荐神供佛名曰菜子巖鄉人采之
為仙葩神卉至今猶野香郁焉

鐵馬騰空



后欲渡江舟中蓬槳不脩舟子
以風濤洶湧不敢解纜后曰無
事可以草蓆代之令人懸於桅
端帆起舟駛恍若鳬鷗之浮沫
追風颭而鼓棹破巨浪而旋槎
觀者驚為飛渡


潮神頂禮



漁民往北採捕海岸之舟后
欲渡江無楫取簷前卦懸鐵
馬鞭而策之如奔電追風人
見青驄行水天馬騰空皆為
驚異


東海多神怪漁舟多溺后曰此必怪物為虐
乃鼓柁至中流風日晴霽望見水族輳集錦
鱗彩甲跳躍煦沫遠遠濤頭擁一尊官數王
子儀容鞠躬嵩呼於前水潮洶湧舟人戰慄
不已后曰不須憂傳示免迎突然水色澄清
海不揚波始知龍王來朝以後凡遇后誕辰
水族會洲前慶賀是日漁者不敢施罟下釣

海崇皈依



西北方金水之精有聰而善聽者號順風耳有明而善視者號千里眼出沒
 西北為崇村民苦之求治于后乃雜跡于女流中十餘日方與之遇彼誤
 認為民間女子將近前后叱之遽騰躍而去一道火光如車輪飛越不可方
 物后手中綵帕一拂霾障蔽空飛颺卷地彼仍持鉄斧疾視后曰敢擲若斧
 乎遂擲下不可復起因咋舌伏法越兩載復出為厲幻生變態乘濤騎沫滾
 盪於浮沉蕩漾之中巫覡莫能治后曰江河湖海水德攸鍾彼乘旺相之鄉
 湏本土方可克之至次年五六月間后乃演起神咒林木震號沙石飛揚二
 神躲閃無門遂拜伏願飯正教時后年二十三又有怪物曰晏公每於水中
 趣江豚以噓風鼓水妖以擊浪翻溺舟楫為大患后遊東溟一碧萬頃水天
 涵泓半晷間江心澎湃舟子急呼曰桅舵搖撼矣后令拋碇見一神掀髯突
 睛金冠繡袖隨潮升降觸纜拂檣形如電掃雷震后色不動顯出靈變忽旋
 風翻浪彼伏神威叩謝盪舟而還但一時為法力所制終未心服遂假逞色
 相變一神龍挾霧翼雲委蛇奔騰后曰此妖不除風波不息乃拋碇中流龍
 左翻右滾机破技窮仍還本象唯見整然衣冠儼一尊人駐碇不動后命投
 下緯絕彼近前附揖不覺隨揖隨粘牢固難解始惧而伏罪后囑之曰東溟
 阻險爾今統領水關仙班護民危厄由是永依法力為部下總管


片雲致雨



二 豎 潛 形



后年二十一歲時莆大旱山焦川涸
農民告困通郡父老咸曰非神姑莫
解此厄縣尹詣后求禱后往祈焉擬
壬午申刻當雨及期日已午烈燄麗
空片雲不翳尹曰姑殆不足稱神乎
未幾陰霾四起甘澍滂沱平地水深
三尺西成有秋衆社賽日咸懽呼頂
禮稱神姑功德



歲祲疫氛盛行莆縣尹闔家病篤吏告以湄
與神姑法力廣大能起死回生救災恤難尹
齋戒親詣請救后曰此係天数何敢妄干尹
哀懇曰千里宦遊全家客寓生死懸于神姑
幸憫而救之后念其素稱仁慈代為懺悔取
菖蒲九節並書符咒令貼病者門首煎蒲飲
之病者立瘥尹喜再生之賜舉家造門拜謝
自此神姑名徹寰宇矣

陰怪含沙



高里鄉有陰怪含沙侵擾村人共詣神姑求治后知為山僻
小木精作祟取符咒貼病者床頭衆如命而行聞屋瓦響處
一物如鳥拚飛而去后跡其所之掃穴除之遽幻作一小鳥
匿樹杪只見渺渺林端突起一團黑氣后曰不可留此為桑
梓憂追擒之唯一鷦鷯唧唧將符水一灑鳥踏空而墜并無
形體僅存一撮枯髮舉火焚之突現本相兀兀一小鬼子叩
拜曰願飯臺下服役遂收之

神龍荷戟



后二十六歲春正月霪雨至夏淋漓弗止閩浙盡罹其災省
官奏聞天子命所在祈禱莆人詣請神姑后曰上下多獲戾
於帝故龍為災亦數使然今既奉天子命當除厥禍為我邑
造福見白虬奔躍衝突又青黃二龍洊盪於潯蒼之表后焚
靈符忽有神龍荷戟而前曰奉帝罰此一方何可逆命后曰
誠知玉旨降災但生民遭困已極下界天子為民請命當奏
上帝赦之遂鎖住白虬一青一黃尚騰波翻覆后乃焚香祭
告還有金甲神人逐潮似追尋狀莆大霽秋且告稔有司特
奏神姑鎖龍神功奉旨致幣報謝浙省水災亦漸平

邪 魔 反 正



時有二魔爲祟一曰嘉應一曰嘉祐或於荒邱中攝魄迷魂
或于巨浪中沉舟破艇有客舟至中流風翻將沉見赤面金
裝當前鼓躍后化一寶貨舟拍浮而遊嘉祐即舍客舟乘潮
而前后以咒壓之擊刺落荒遂惧而伏后又從山路獨行嘉
應將犯之后拂飛塵霾現出靈光遂悚然退避但魔心未淨
歲餘復作蠱害后曰此物不歸正道畢竟為妖為孽令人各
焚香齋戒奉符咒自乘小艇遨遊烟波之中嘉應見之衝潮
登舟坐于桅前不覺舟駛到岸后大施法力乃悔罪請宥並
收為將列水闕仙班共有一十八位凡舟人值危厄時披髮
虔請求救悉得其默佑

白 日 飛 昇



宋太宗雍熙四年丁亥時后年二十八秋九月八日后語家人曰心好清淨塵寰所不樂居明晨乃重陽日適有登高之願預告別期衆咸以為登臨遠眺不知其將仙也次晨焚香演經偕諸姊以行謂之曰今日欲登山遠遊以暢素懷道阻且長諸姊不得同行傷如之何諸人笑慰之曰遊則遊耳何足多慮后遂徑上湄峯最高處濃雲橫岫白氣亘天空中絲管韵叶宮徵遂翱翔于蒼昊皎日間衆咸歎歎驚嘆俄而彩雲布合不可復見嗣後屢呈靈異



